

Þegar stækka þarf spenni eða heimtaug vegna tiltekins notanda skal greiða fullt gjald fyrir hina nýju heimtaug að frádregnu hálfu gjaldi hinnar fyrri heimtaugar, hvort tveggja miðað við gildandi gjaldskrá þegar breyting fer fram.

Framangreind heimtaugargjöld eiga við í skipulögðum hverfum öðrum en búfjárhverfum. Heimtaug á óskipulagt svæði reiknast samkvæmt tilkostnaði hverju sinni.

Gjaldskrá þessi er hér með staðfest samkvæmt orkulögum nr. 58, 29. apríl 1967 til að öðlast gildi 1. ágúst 1990 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 468, 2. október 1989.

Iðnaðarráðuneytið, 24. júlí 1990.

F. h. r.
Páll Flygenring.

Kristmundur Halldórsson.

REGLUR

um veitingu leyfa til fornleifarannsókna.

1. gr.

Fornleifanefnd fjallar um og veitir leyfi til staðbundinna og tímabundinna fornleifarannsókna.

2. gr.

Þeir sem hug hafa á að stunda fornleifarannsóknir skulu sækja um leyfi til þess á þar til gerðum eyðublöðum til fornleifanefndar. Nefndin fjallar um leyfisumsóknir og veitir leyfi eða hafnar umsókn.

3. gr.

Í umsókn skal greina:

1. Umsækjandi (forstöðumaður rannsókna).
2. Heimilisfang.
3. Staða og menntun (æviatriði, menntun, prófgráður og ritaskrá, ljósrit prófskírteina skulu fylgja).
4. Stofnun.
5. Aðrir þátttakendur í rannsóknunum (æviatriði og menntun).
6. Rannsóknastaður (bæjarland, sveitarfélag, landshluti. Lýsa skal rannsóknastað sem nákvæmlegast, legu hans og stærð. Tilgreina skal landeiganda, ef land er í einkaeign skal skriflegt leyfi eiganda vera fengið).
7. Tilgangur rannsókna.
8. Rannsóknáætlun (Lýsa skal aðferðum og skráningu, gera skal grein fyrir tímaáætlun vettvangsrannsókna, áætlaðan upphafs- og lokadag, og tímaáætlun annarra úrvinnslurannsókna).
9. Forvarsla forngripa (Tilgreina skal forvörsluaðila sem taka munu að sér forvörslu forngripa sem kunna að finnast, nöfn þeirra, heimilisföng og símanúmer).

10. Fjármögnun rannsókna (Tilgreina skal þá sem leggja fram fé til rannsókna: vettvangsrannsókna, forvörslu, annarra úrvinnslurannsókna og útgáfu. Nöfn þeirra, heimilisföng og símanúmer. Fylgja skal ýtarleg kostnaðaráætlun rannsókna).

4. gr.

Skilmálar leyfis til fornleifarannsókna eru eftirfarandi:

Leyfi til fornleifarannsókna er veitt af fornleifanefnd í samræmi við ákvæði Þjóðminjalaga nr. 88/1989.

Leyfi til fornleifarannsókna er ekki framseljanlegt og skulu rannsóknirnar fara fram undir beinni stjórn og eftirliti fornleifafræðings þess sem það er veitt á vettvangi enda er hann persónulega ábyrgur fyrir þeim.

Leyfi til fornleifarannsókna gildir í eitt ár frá útgáfudegi.

Vettvangsrannsóknir utanhúss skulu fara fram við bestu mögulegar aðstæður, svo að menningarverðmæti liggja ekki að þarflausu undir skemmdum vegna veðurskilyrða eða árstíðabundins ástands jarðvegs. Æskilegur tími utanhússrannsókna er frá júníbyrjun til septemberloka.

Sýna skal starfsmönnum fornleifadeildar Þjóðminjasafns, nefndarmönnum fornleifanefndar eða öðrum þeim sem hafa skriflegt umboð fornleifanefndar til eftirlits, öll gögn og gripi rannsóknar æski þeir þess við eftirlit.

Við vettvangsrannsóknir skal daglega og jafnóðum fara fram ýtarleg skráning og ljósmyndun á jarðlögum, mannvistarlögum og forngrípum sem í ljós koma. Hvert atriði skal hljóta auðkenni eða númer við skráningu. Gera skal forngrípaskrá yfir alla fundna forngrípi á vettvangi, geta fundartíma, nákvæms fundarstaðar og lýsa helstu einkennum hvers forngríps.

Öll frumgögn vettvangsrannsókna, eins og dagbækur, skrár, ljósmyndir og teikningar, skal afhenda fornleifadeild Þjóðminjasafns eða hlutaðeigandi byggða- eða minjasafni samkvæmt ákvörðun fornleifanefndar til varðveislu með skrá yfir fjölda þeirra og gerð. Leyfishafi heldur afritum hjá sér. Alla fundna forngrípi skal afhenda forvarða og skráða ásamt forngrípaskrá. Gögn þessi og gripi skal ásamt stuttri yfirlitsskýrslu um gang rannsókna á leyfistímanum afhenda innan árs. Ef forvarsla gripa tekur lengri tíma skal gerð grein fyrir því við afhendingu annars efnis og afhenda gripina þegar forvörslu þeirra lýkur.

Endurnýjun rannsóknaleyfis er háð afhendingu gagna og gripa frá fyrra leyfistímabili.

Leyfishafi skal birta niðurstöður rannsóknar innan fimm ára frá afhendingu gagna og gripa. Senda skal fornleifadeild Þjóðminjasafns tvö eintök endurgjaldslaust af öllu efni, svo sem bókum og greinum í blöðum og tímaritum, sem leyfishafi birtir um rannsóknina.

Gögn og gripir rannsóknar skulu varðveitt í fornleifadeild Þjóðminjasafns eða í hlutaðeigandi byggða- eða minjasafni samkvæmt ákvörðun fornleifanefndar og skal leyfishafi eiga fyrsta útgáfurétt efnisins í fimm ár frá afhendingu þess til deildarinnar, að svo miklu leyti sem það er ekki eign ríkisins samkvæmt lögum. Eftir þann tíma skal efnið vera aðgengilegt öðrum vísinda- og fræðimönnum og er fornleifanefnd heimilt að láta gefa það út.

Leyfishafi skuldbindur sig til þess að ganga vel frá rannsóknarstað að rannsókn lokinni. Skal frágangur miða að því að varðveita sem best það sem eftir er af minjum og að minjastaðurinn sé snyrtilegur í hvívetna.

Vakin er athygli á 26. grein þjóðminjalaga um að allir forngrípur eru eign ríkisins. Enn fremur á 28. grein þjóðminjalaga um að eigi megi flytja úr landi muni eða gripi sem eru eldri en 100 ára nema með leyfi þjóðminjaráðs.

Fari leyfishafi ekki að greindum skilmálum eða ákvæðum þjóðminjalaga að mati fornleifanefndar áskilur nefndin sér rétt til að afturkalla leyfið þegar í stað og krefjast afhendingar gagna og gripa til fornleifadeildar þjóðminjasafns.

Fornleifanefnd áskilur sér einnig rétt til að afturkalla leyfi þegar í stað, ef svo mikilvægar fornleifar finnast að hennar mati, að eðlilegt megi teljast, með hliðsjón af hagsmunum þjóðarinnar og rétti til menningararfleifðar sinnar, að frekari rannsóknir fari fram á vegum opinberra aðila.

5. gr.

Reglur þessar eru settar með vísan til 22. gr. þjóðminjalaga nr. 88/1989 sbr. og 20. gr. reglugerðar um þjóðminjavörslu, og öðlast þegar gildi.

Menntamálaráðuneytið, 19. júlí 1990.

Svavar Gestsson.

Pórunn J. Hafstein.

AUGLÝSING

um breyting á gjaldskrá og reglum fyrir símaþjónustu nr. 287/1989.

1. gr.

8. tl. I. kafla, orðist svo:

8. Græn símanúmer.

Rétthafi græns símanúmers greiðir meðallanglínugjald fyrir öll innkomandi símtöl, þ.e. 30 sek. skrefagjald á dagtaxta, 45 sek. á kvöldtaxta og 60 sek. á nætur- og helgertaxta.

	kr.
8.1. Stofngjald fyrir þjónustuna	25 000,00
8.2. Afnotagjald fyrir þjónustuna á ársfjórðungi	10 000,00

Upphringingum, sem koma inn á græna númerið, verður vísað yfir á önnur númer eitt eða fleiri, sem notandi greiðir fyrir skv. gjaldskrá.

Númeraröð töluliða 8, 9 og 10 I. kafla í núverandi gjaldskrá breytist og verður 9, 10 og 11.

2. gr.

2. tl. VII. kafla, Gagnaflutningsnet, orðist svo:

2. Afnotagjald.

2.1. Ársfjórðungsgjald fer eftir hámarkshraða sendinga sem hér segir:

2.1.1. Fyrir notandalínu samkvæmt staðlinum X.25

Hraði (b/s) 2400 4800 9600 19200

Ársfj.gj. kr 10 500,00 15 000,00 21 000,00 30 000,00

Hraði (b/s) 64000

Ársfj.gj. kr 51 000,00

2.1.2. Fyrir notandalínu samkvæmt stöðlunum X.3 og X.28 (PAD)

Hraði (b/s) 300 1200 2400 4800 9600

Ársfj.gj. kr. 3 900,00 4 725,00 5 250,00 6 075,00 6 825,00

Hraði (b/s) 19200

Ársfj.gj. kr. 7 875,00